

新疆圖志卷九十七

奏議志七

清

恪靖侯左宗棠奏稿

覆陳新疆情形摺

陝回逃匿俄境分道寇邊截剿淨盡摺

纏回謀逆勦捕竣事

吐爾扈特仍歸舊土游牧片

安集延逆目糾眾謀逆勦捕歲事摺

新疆圖志

奏議志七

布魯特安集延入寇進勦大捷摺



左宗棠覆陳新疆情形摺

竊臣於十月十三日承准軍機大臣字寄光緒四年九月三十日欽奉

上諭一道跪聆之餘敬悉

皇上保大定功慎終如始審時度勢策及萬全至意敢不畢獻其愚仰俟

聖明採酌伏讀

諭旨伊犁在昔為西路第一重鎮俄人交還以後如何防守未交以前如何布置伊犁九城縱橫相連大城西

新疆圖志

奏議卷七

二

南北三面舊有卡倫距俄境若干道路俄軍至何處金順現駐庫爾喀喇烏蘇前隊西至何處臣謹按俄人自據伊犁於西面舊有拱宸瞻德廣仁塔勒奇四城均棄而弗守傾圮殆盡綏定一城近以之雜置陝回距伊犁僅三十里伊犁大城人烟甚少俄兵及商戶均萃居東面惠寧熙春甯遠三城而金頂寺烟戶尤多伊犁管事俄官名馬依爾品秩不過中國同知通判之類主伊犁之事者七河巡撫也七河亦作七水其官為固必納土爾其名為喀爾帕科斯克伊所駐阿爾瑪圖地屬俄

境在伊犁西八百餘里其兼轄之官名圖爾齊斯坦總督名爲克復滿亦呼高伏滿自稱代國大臣駐浩罕故都塔什干城距我喀什噶爾不過數十程由喀什噶爾至俄邊納林河中隔俄屬布魯特部喀城馬行六日可至從前伊犁本不與俄境相連以哈薩完布魯特種人與浩罕所部安集延及布噶爾所屬爲隔閼近年俄人先後脅誘哈薩克布魯特種人又攻奪浩罕三部據其都城而浩罕屬安集延亦隨風而靡故我北路伊犁南路喀什噶爾之邊境皆與俄屬相接距俄境亦近也伊

新疆圖志

奏議志七

三

犁收還以後應於邊境擇要築壘開壕安設大小礮位挑勁兵以增其險至伊犁大城西北之塔勒奇廣仁瞻德抵宸各城戶口鮮存水草却便應各擇要隘暫駐各營分屯其間所有旗綠各營剩仔兵丁各給牛種牧畜督令游牧耕墾舊有城堡緩議修復尙非不可大城以東惠甯熙春甯遠各城民戶商戶願遷徙者遷徙願歸業首歸業邊圉旣奠人安其土耕其野而出其途者不待招徠迺非甘肅從前東路西路數百千里蒿萊滿望杳無人烟難於措置可比若烏魯木齊所屬各城相距

甚遠難於照料此伊犁收還以後情形也伊犁未還以前金順大軍駐庫爾喀喇烏蘇其西精河地方勢處要隘向駐馬隊以資扼截自福珠哩歸後金順未及派紮填防致被漢回侵掠金順旋派馬隊二百前往填防當可無虞由精河西行一日爲永集湖再西數十里即伊犁俄官所設之頭卡三日即抵伊犁中間山徑五道可達伊犁不由惠寧熙春甯遠三城經過然巖谷幽邃僅容一人一騎行走不能通車若收還伊犁則驛道山徑皆成腹地此形勢變遷俄人現在布置官軍防守及距

新疆圖志

奏議志七

四

伊犁道里遠近大略也

諭旨郡縣之制以民爲本現由嘉峪關烏魯木齊至庫爾喀喇烏蘇迤西商戶回戶各存若干由吐魯番至南八城纏頭共存若干除舊有各廳州縣外其餘各城改設行省究竟合宜與否倘置郡縣有無可治之民不設行省此外有無良策臣謹按新疆之變起於北路迪化失守所屬相繼淪陷戶口傷亡最多漢民被禍尤酷以逆回仇視漢民故也比大軍進剿連接堅城而昌吉呼圖壁綏來回民又因畏勦逃奔南路烟戶頓減克復

來還定安集招徠開墾戶口漸增迪化州各屬尤成效
可睹舊額民戶共四千二百有奇現報承墾者已三千
六百餘戶昌吉縣民戶舊共三千九百有奇現報承墾
者僅四百數十戶阜康縣民戶舊有三千九十餘現報
承墾者僅二百一十餘戶綏來縣民戶舊有三千七百
餘現報承墾者八百五十餘戶奇台縣舊有民戶四千
三百六十有奇現報承墾者五百七十餘戶濟木薩縣
丞所屬舊有民戶二千八百有奇現報承墾者三百五
十餘戶呼圖壁巡檢所屬舊有民戶一千七百三十有

新疆圖志

奏議卷七

五

奇現報承墾者二百八十餘戶庫爾喀喇烏蘇舊有民
戶僅八十有奇現報承墾者尙數十戶精河舊有民戶
四十有奇現報承墾者一百餘戶鎮西廳戶口無考舊
種地六萬畝現報民墾三萬六千餘畝兵墾四千餘畝
土客漸增此北路民戶現存實數也久羅兵燹戶口凋
耗無怪其然鎮迪一道所屬雖子黎僅存頻年散給耕
牛種籽酌發賑糧廣示招徠自壘河抵精河除戈壁外
又均是腴區土客民人及遣散勇丁領地耕墾遂漸增
加署鎮迪道周崇傳勤慎廉幹事必躬親漸有明效需

之時日百堵皆興卽以目前論之亦非無可治之民也吐魯番舊隸鎮迪道荒地尙少現委道員雷聲遠署同知奎拔妥爲撫輯糧石租稅已逾舊額之半南八城除英吉沙爾壤地褊小烏什土性瘠薄餘均較吐魯番爲饒而喀什噶爾和闐葉爾羌阿克蘇庶而兼富物產豐盈又較各城爲盛劉錦棠張曜悉心經理現委員開河引渠清丈地畝修築城堡塘站鑄錢徵釐百廢肇興俱有端緒較之北路尤易爲功是南北開設行省天時人事均有可乘之機失今不圖未免可惜此新疆之應改

新疆圖志

奏議卷七

六

省者一也北路得之準部南路得之回部皆因俗施治未能與內地一道同風久已概爲邊地伊犁設將軍又設參贊大臣一員烏魯木齊設都統塔爾巴哈台葉爾羌均設辦事大臣伊犁等處設領隊大臣五員塔爾巴哈台烏魯木齊庫爾喀喇烏蘇古城巴里坤吐魯番烏什英吉沙爾均設領隊大臣哈密設辦事大臣一員協辦大臣一員葉爾羌設兼管和闐事務協辦大臣一員烏什設幫辦大臣一員喀什噶爾設換防總兵一員是邊地腹地皆一律視之無甚區別與商野馭邊之義不

符將軍都統與參贊辦事大臣協辦與領隊大臣職分
等夷或皆出自

禁圍或久握兵符民隱未能周知吏事素少歷練一日
持節臨邊各不相下稽查督責有所難行地周二萬里
治兵之官多治民之官少而望政教旁敷遠民被澤不
亦難哉北路糧員但管徵收而承催則責之頭目南路
徵收均由回目阿奇木伯克等交官官民隔絕民之畏
官不如其畏所管頭目官之不肖者狎視其民輒以犬
羊視之凡有徵索頭目人等輒以官意傳取倚勢作威

新疆圖志

奏議志十七

七

民之怨官不知怨所管頭目也內地徵收常制地丁合
而爲一按畝出賦故無無賦之地亦無無地之賦新疆
則按丁索賦富戶丁少賦役或輕貧戶丁多則賦役反
重爭理失平莫甚於此貨幣之制子母不能相權爭訟
之事曲直不爲徑達官與民語言不通文字不曉全恃
通事居間傳述顛倒混淆時所不免此非官與民親漸
通其情實去其壅蔽廣置義塾先教以漢文俾其畧識
字義徵收所用券票其戶民數目漢文居中旁行兼注
同字令戶民易曉遇有舛誤即予隨時更正責成各廳

州縣而道府察之則綱目具而事易舉頭目人等之權
殺官司之令行民之情僞易知政事之修廢易見長治
久安之效實^基於此新疆之應改行省者二也夫立國
有疆古今通義傳曰天子有道守在四夷周秦以前姑
弗具論自漢以來通道始於張騫不能得月氏要領求
馬繼以廣利不能下小國堅城漢於西域窮天下之力
以務之卒有輪臺之悔故班固以爲得之無益棄之不
爲損也今主棄地之說者祖之臣愚非不謂然顧斷斷
於兵不可停地不可棄者蓋以地形無今昔之殊而建

新疆圖志

奏議志七

八

置則有因創之異窮變通久因時制宜事固有不
容已者謹按新疆開拓肇自

高宗時移涼州安西熱河滿兵延安綏德寧夏興安漢
中西寧固原肅州河州安西綠營兵丁駐守南北兩路
餉不外增各城養廉經費則以京口抗州等處出旗漢
軍俸餉口糧馬乾及甘肅等處所減草料充之計內地
每歲節省之數共一百二十九萬兩有奇而劃抵新疆
養廉經費一百零七萬八千四百餘兩外尚餘銀二十
一萬一千五百餘兩不特無糜餉之虞且有節餉之實

論者竊以耗中事西疑之於

聖意拓邊節餉固無當也臣自度隴以來即留心稽考

甘肅新疆餉數僉稱承平時每歲約銀五百餘萬兩自

變亂以亂來册籍散佚難以覆按請部鈔示成案亦無以

應近據藩司崇保詳稱查得道光二十七年甘肅口內

外駐防滿州蒙古旗綠官兵應需俸餉紅白賞卹等事

銀四百一十五萬二千三百五十三兩三錢九分九釐

四絲一忽內先一年預撥銀一百四十萬兩外銀二百

七十五兩二千三百五十三兩三錢九分九釐四絲一

新疆圖志

奏議志七

九

忽由部臣照依估撥預撥完數以此準之甘肅新疆實

餉五百餘萬之數雖無可考而一歲之中預撥正撥四

百一十五萬有奇則有數可稽也臣竊度南北兩路如

行清丈之法就畝徵賦仿什一之制而從寬定額民收

十數分官徵其一以給軍食尙可有餘修渠濬流以備

旱潦改鑄制錢以便民用設局徵釐以裕課稅創設義

塾教之識字選調匠師教之藝事自季春至今次第經

理甫有端緒容俟各處緘牘取齊即行具奏此外南北

兩路物產尙有藥材皮張吐魯番之棉花和闐之玉庫

車之金銅鉛鐵均應設^籌及之是新疆利源非無可開也甘肅地處邊陲土曠人稀瘠苦甲於天下承平時錢糧徵收不及東南一大郡此其明徵亂後子黎皮骨僅存氣息僅屬雖頻年拊循休養漸有起色究之致力多而成功少者時地實有以限之通省舊設額兵太多全恃各省協款接濟自中原軍興各省未能兼顧於是回禍起新疆淪陷甘肅全省名雖僅存而實則亡矣幸值聖明在上洞矚無遺移東南之餘財救西北之奇厄親賢夾輔內外一心先闕內而後闕外次第圖之乃有今

新疆圖志

奏議志七

十

日不可謂非幸也此時所當亟籌者善後之策善後之策當規久遠利鈍所繫匪僅一時以甘肅與新疆並論新疆利原可開流亦可節甘肅則開源爲難而節流尙有可議從前額兵之多者一則轄疆與蒙部回番雜處兵少恐起戎心一則新疆需由內地撥兵換防兵少難敷調派也若以現在局勢而言蒙部回番已就鈐束防營可以漸減前奏改行餉爲坐餉圖節勇餉爲復日肅制兵之漸新疆南北如置行省換防之制可以永停又撥^擬節制兵之餉以舒各省協款之力也竊計甘肅新疆

承平時預撥估撥餉銀四百數十萬兩俟伊犁收復
歲約可節省百數十萬兩後此利源日增餉更可減部
臣可隨時察酌而在甘肅新疆之事者可隨時陳奏特
恐非微臣所及見耳此統籌甘肅新疆節省餉需以規
久遠之大畧也

諭旨宜於萬難措施之中求一可進可退之計臣愚竊
以爲新疆歲需餉銀三百數十萬兩甘肅歲需餉銀二
百數十萬兩本是承平時部臣預撥估撥常例茲當全
隴澄清西域收復之時照常指撥於部章並無不合承

新疆圖志

奏議志七

十一

撥各省當亦無詞况承平時應撥數目內又可節省百
餘萬兩此後經理得宜節省或尙不止此實於

國家經出之費不無小補當亦部臣與疆圻諸臣所樂
聞也臣於新疆擬辦各事皆以利民裕國爲主行省之
收與否尙未奏奉

明旨而所籌者無論改省與否兩不相妨可行則行可
止則止進退尙屬綽然過蒙

聖明矜諒示以轉圜之機若不披瀝直陳上紆

茲念更何以自處至愚衷有未盡者不得不及時陳明

仰祈

垂察臣軍積欠之餉本八百餘萬兩頻年陸續清罄截至光緒四年尚欠一百數十萬兩近因餉道員胡兆墉息借商款遲遲未到劉典向蘭州票號借銀四萬兩又飭後路糧台道員王加敏息借漢商銀四十萬兩駐陝軍需局陝安道沈應奎息借票號銀二十萬兩暫應急需合關內外新欠餉項及遣撤勇餉又積至二百數十萬兩將來胡光墉解到息借巨款除還陝鄂息借各款點綴新舊欠餉外所餘無幾縱極力劃留以備光緒

新疆圖志

奏議志七

十二

五年應用之需夏末秋初又將告罄前奉

諭旨嗣後無論何項急需不得動輒息借商款致貽後累敢不懷遵惟念甘肅新疆軍務臣既未嘗劃款請餉而一切經費又未嘗另款請銷如果此次借用商款外各省協餉均能源源接濟臣猶可通挪展轉借商期兼顧更何敢動輒息借商款干瀆

宸聰無如各省疆臣身在事外但見西事速了此後需用或可稍緩而頻年悉索以來未免因煩生厭頻催罔應本屬人情之常而臣則勢逼處此莫展一籌將有束

手待斃之日可否仰懇

大恩飭下軍機大臣六部九卿公同集議將甘肅新疆
從前每年預撥估撥的餉四百數十萬兩指省解濟臣
軍並於現協臣軍稍優各省酌撥解濟共足成五百萬
兩之數以三年爲期臣得於三年內盡心經理斟酌損
益定爲永圖三年以後甘肅新疆軍務既戡所擬開源
節流之策亦必有成效可睹庶以前協款爲甘肅新疆
用兵收復善後之需以後部撥爲甘肅新疆常例應有
之款每年以三百數十萬兩爲度自無不可臣本菲材

新肅圖志

奏議志七

十二

疊荷

三朝恩遇忝竊至今當茲時難孔亟菲不思仰體

朝廷憂勤惕厲之懷稍慰各省關頻施不倦之意願始
謀未預晚蓋爲難所遇多艱綢繆鮮補雖有生之日皆
報國之年而年近七旬神識衰鈍祇承

恩遇實切悚惶謹據實備陳是否有當伏乞

聖鑒訓示施行

光緒四年十月二十三日

軍機大臣字寄光緒四年十一月初九日奉

上諭左宗棠奏復陳新疆情形一摺據稱北路迪化等

處自克復以來招徠開墾戶口日增南八城地方富庶
現辦開渠丈地鑄錢徵釐諸事俱有端緒開設行省於
天時人事機有可乘等語新疆議設行省事關創始必
須熟籌於事前乃能收效於後日該大臣爲長治久安
之計因時通變所奏不爲無見刻下伊犁未經收還一
切建置事宜尙難遽定其餘南北各城應如何隨宜經
理之處卽着悉心籌畫次第興辦總期先實後名俟諸
事辦有眉目然後設官分職改設郡縣自可收一勞永
逸之效所有辦理情形並著隨時詳悉具奏至所奏三
年以內每年請指撥銀五百萬兩俾得斟酌損益定爲
永圖等語著軍機大臣會同戶部議奏將此由五百里
諭令知之欽此

左宗棠奏陝回逃匿俄境分道寇邊截剿淨盡摺

竊臣前據總統嵩武軍廣東陸路提督張曜馳報八月二十四日烏什城西一百七十里雪巴里哇地方突有馬賊四五十騎竄至又據阿克蘇西南五百一十里柯爾品六品伯克報同日由布魯特竄來馬賊數十騎肆行劫殺立飭各防營出隊搜捕九月初三日遇賊烏什西北三百里阿依他溝陣斬逆回二十二名奪獲賊馬四十五匹生擒賊一名訊據供稱在俄境托胡瑪克種地受苦賊目孫義合白彥虎金山商同出外搶劫孫義

新疆圖志

奏議志心七

十五

合金山在前約六十餘人此係白彥虎夥內四十七人由托胡瑪克馬行十三日到此旋據續報馬隊營官武朝聘及解餉委員周兆璋追柯爾品一股馬賊沿途頗有擒斬賊由五台竄阿提黑兩克地方恰遇總統劉錦棠所部馬隊迎頭截擊擒斬殆盡頃據劉錦棠馳報九月初一日據瑪喇爾巴什營官記名提督李克常飛稟八月二十七日接東二站圖木舒克台東三站車底庫勒台驛書渾巴什報二十六日未刻有馬賊八九十騎由阿克蘇西北柯爾品竄至東四站雅哈庫圖克台戕

斃柴草局員補用主簿歐陽紅驛書高清新及局勇驛卒五名附近纏回有死者是夜賊四竄至車底庫勒台戕害驛書二名搶去驛馬什物二十七日復折向東竄至色底克台搶去驛馬六匹李克常聞警立派哨官查春華副將劉長其率隊馳赴東路掩捕劉錦棠在喀什噶爾聞警以賊蹤一日擾及三台颯忽殊甚當扼其必出之路擊之九月初二日派提督楊金龍率馬隊百騎赴色底克台一帶提督譚慎典率馬隊二百騎赴瑪喇爾巴什一帶助李克常並咨商張曜派隊夾擊初四日

新疆圖志

奏議書卷七

十六

李克常報稱查春華馳過各台未見一賊據巴底克台驛書吳耀南報賊蹤盡已北竄訊據被擄逃出之董娃子供稱賊騎百餘陝回居多亦有新疆人在內聞賊中商議將於夜間傍山而西覓路上竄卡勒克沁各台李克常親率步隊數十人向西路竄捕北至卡勒克沁則賊已先數時衝過戕害柴草局員守備彭福泰驛書王治安局勇驛卒各一搶失驛馬十四其領解寒衣之勇丁及遞送文書之驛卒共六名亦倉猝遇賊被戕賊向北路樹窩內竄走李克常追至樹窩賊竄又遠是夜收

隊玉帶里克適楊金龍馬隊馳至會商留隊分紮玉帶
里克卡及勒克沁屈爾蓋三台仍率隊由北面樹窩窮
追而下途中接東路探報初一夜有另股賊百二三十
騎竄至雅哈庫圖克二十里殺搶楊金龍即馳赴東路
截剿李克常赴瑪喇爾巴什會隊夾擊初五日據喀什
噶爾善後局委員同知王維國稟據阿奇木報八月二
十日烏什西北三百餘里拜代里克竄出漢回一起二
十三日又竄出漢回一起肆行搶殺均向柯爾品竄走
與各處探報相符劉錦棠以此次竄賊行蹤颺忽於各

新疆圖志

奏大義志心七

十七

處路逕恍若舊游當即各城漏網餘孽見瑪喇爾巴什
一帶官軍躡蹤急迫不敢東犯葦繞由喀什噶爾邊境
速覓歸路必難善脫查拜代里克一帶出卡即是俄境
賊覓歸路當在乎此遂飭總理營務分統右軍道員羅
長祐率總兵夏辛西提督張宗本部馬隊三百騎五品
頂戴署喀什噶爾伊什罕伯克瑪木特帶領纏回布魯
特馬隊八十騎提督段柏溪率所部步隊百五十名已
革花翎都司何步雲已革藍翎外委何俊帶領防營步
隊百五十名赴各邊隘要之初六日午刻羅長祐等啟

行是夜次阿爾圖什訶賊於卡勒克沁繞竄北面樹窩
復又上竄日馳二百里所過劫掠一空羅長祐初擬截
賊於阿爾圖什北二百里之索封口五更得報賊已於
初六日黎明由索封口竄過矣遂改擬向索封口西北
三百餘里之沖壳罕截擊傳令馬隊即行步隊留守一
日夜馳四百餘里抵沖壳罕初八日天明登山瞭望瞥
見騎賊由東結隊而來飭夏辛酉張宗本分伏山前山
後以待令瑪木特帶纏回六十騎出陣誘之賊易其少
挺矛躍馬衝出甫過山凹前後伏兵齊赴裏賊中央鎗

新疆圖志

奏英議志七

十八

轟矛刺短兵相接陣斬賊目賽屹塔即碎屹塔及黑振
江賊目金山棄馬而逸旋經布魯特人縛獻計陣斬悍
賊百數十名生擒二十三名奪獲戰馬二百餘匹所擒
駝馬衣服悉數收回械送金山及生擒各賊赴喀什喀
爾劉錦棠親提訊審據金山供稱伊等隨白彥虎住托
胡瑪克地方白彥虎因窮苦難過商之馬良會赴俄官
處領路票假稱赴逆首馬壯所居之鴨爾湖貿易爲出
外搶掠計到鴨爾湖會馬壯黨夥分股繞過俄人所設
之卡犯邊伊等係前一起頭日後一起頭目爲孫依虎

馬家老二均約定飽掠後由此路同歸不料到此猝遇官軍馬家老二已經官軍陣斬惟孫依虎屍首未見又據供稱在精河一帶滋擾者劉士林一股人數多少伊等不知訊畢極刑處死傳首沿邊各地方懸挂示衆並准嵩武軍分統孫金彪報稱孫義合一股均陸續擒斬孫義合即孫依虎馬家老二當即馬良會均伏誅矣各山未被害之布魯特人等咸歡呼膜拜謝官軍保全之恩聲殷山谷此次寇邊之賊分起颺忽較尋常馬賊爲悍經官軍節次截剿擒斬共二百數十名並無遺漏埽

新疆圖志

奏天議志七

十九

除神速實足破賊膽而快人心並可張

國威而弭邊衅出力將士可否量加甄叙出自

天恩其陣亡遇害之花翎游擊銜陝甘補用都司蕭夢

益儘先拔補把總張華發先儘把補外委石有元補用

守備彭福泰補用主簿歐陽紅懇

恩飭部分別從優議敘庶士氣常新邊防日增鞏固於

時局不無裨補至應還伊犁應交叛逆兩事臣等早與

成四七水巡撫圖爾齊斯坦總督商議迄無成局此次

寇邊之賊由逃匿俄境之首逆白彥虎馬壯等指嚇所

致生擒各賊口供僉同並於賊目金山身邊取出俄官所給路票兩紙其陣斬各賊隨身路票之未暇搜取無從呈驗者尙不計也臣維俄國邊官於新疆交涉各案屢持異議此次給與首逆白彥虎等路票致諸賊深入爲寇戕害我民人騷擾我台站劫掠我駝馬幸官軍速赴戎機扼要殲旃尙無損失前此圖爾齊斯坦總督來文言喀什噶爾應照約通商並不言照約交還伊犁臣與各總統以伊犁未還以前斷難遽照所請此次竟給貿易路票與白彥虎等致入寇犯邊橫行罔忌揆諸友

新疆圖志

奏議志心七

二十一

邦睦誼應否如斯將來攜帶俄國路票赴卡貿易者又豈足信乎茲將搜獲俄文俄記兩票咨呈總理各國事務衙門察驗應請

旨飭總理衙門照會俄國駐京公使知悉備案或不致如察罕葛根一案之事過無稽應否請

飭下欽差全權大臣吏部侍郎崇厚一併入議之處伏乞

聖鑒訓示施行

光緒四年十一月初三日

左宗棠奏纏回謀逆勦捕竣事摺

竊臣准廣東陸路提督張曜馳報據阿克蘇城西南二百里之尹阿瓦堤地方回民三百餘人將該處稅局圍搶稅局委員從九何澍淵清丈委員縣丞官立朝及書識弓手親兵火夫共九員各被戕張曜聞警立派州同陳漪帶同在城商伯克哈資伯克及阿渾人等前往察辦一面調駐紮城南馬隊營官武朝聘率所部馳往勦辦并派馬隊營官秦玉盛李福雲等繼進爲其策應旋接武朝聘報十七日未刻至距渾巴什五六里地方遙

新疆圖志

卷之七

一一一

見騎馬回匪六七十騎蜂擁而來武朝聘督隊奮擊鎗礮之後繼以刀矛匪衆敗潰陣斬十八名生擒十二名奪獲賊馬四十三匹賊衆分兩路逃竄其向尹阿瓦堤竄走者武朝聘躡蹤追勦十八日追至尹瓦阿堤沿途擊斃二十餘名生擒十四名并奪其馬各莊回民多已避匿武朝聘會同委員陳漪招輯安撫其向東竄走者李福雲率隊追至渾巴什河沿騎賊拚命泅水水深溜急得過對岸者僅止三賊餘俱溺斃武朝聘解生擒各賊赴阿克蘇城張曜提訊內一名係寄居尹阿瓦堤多

年之安集延人名伊先和卓據供實未預知道逆謀誅之各匪僉供伊先和卓本不在場該匪等妄思假其名號希圖裹脅安集延之人迫令同行非其本意當經省釋其被擒之剛不都熱哈滿阿斯滿鐵千巴哈托胡達買提都拉木沙五犯續獲之哈斯木卡哇買邁提巴哈西兩犯署阿克蘇阿奇木獲送之哎沙哈拉阿西千沙他斯毛拉呢牙斯三犯均發交善後局員補用直隸州知州龍魁候補知縣陳嘉績會同研訊據各匪首供托胡達買提及其第^弟古立買提起意謀逆本月十五十六等

新疆圖志

奏議志七

一一一

日與哎沙哈拉阿西於沙托斯毛拉呢牙斯等會商約俟事成各當頭目詐稱已約定黨夥數百人在葉爾羌河沿爲其內應羣賊信以爲真十六夜二鼓後古立買提哎沙哈拉阿西都拉木沙等帶同近莊二百數十人前往劫局局中員役九員各被戕次日復裹得白餘人齊赴渾巴什殺斃居民二人行過渾巴什數里遇官兵擊敗各自逃生陸續被獲其古立買提已於官軍圍拏緊急時掣刀自刎矣准張曜咨報前來臣查尹瓦阿提係嘉慶年間新開之地由各回莊遷移該處者原止一

千戶嗣後生齒日繁分十大總莊數十年來仰荷
聖澤涵濡仁風翔洽同爲太平有道之民也久矣此次
匪徒倡亂糾合馬步三百餘人公然執械樹旗自作不
靖戕害局員肆行搶殺計距陝回突竄烏什邊境爲時
不久蓋因陝回颺然忽至馳騁自如妄思學步不知陝
回已經官兵擒斬畢事此次聞警星馳復能出其不意
也除陣斬斃逆賊不計外生擒六十餘名經張曜提訊
將首要各犯極刑處死傳首起事地方梟示餘俱誣明
分別辦理地方安謐如常其在事尤爲出力將弁勇丁

新疆圖志

奏請諭旨十七

一三二

可否附入截剿陝回案內酌予保獎恭候

訓示遵行其遇害之縣丞官立朝從九何澍淵

應

天恩飭部議卹所有纏回聚衆謀逆經官軍勦捕竣事
緣由理合恭摺具奏伏乞

聖鑒訓示施行

左宗棠奏吐爾扈特仍歸舊土游牧片

竊臣前奉光緒四年正月二十二日

上諭金順奏吐爾扈特部落懇請仍歸喀喇沙爾地方
照舊游牧一摺吐爾扈特人眾自遭兵燹以來寄往庫
爾喀喇烏蘇情形困苦見在喀喇沙爾業經克復據稱
福普恩克巴圖呈請帶領伊子布彥綽克圖并屬下阿
拉巴圖取道烏魯木齊南山前赴喀喇沙爾收集逃散
人眾仍歸珠爾都斯地方照舊游牧自應准如所請以
示體恤著左宗棠金順將該部落人眾設法安插毋令

新疆圖志

奏議志心七

二四

失所等因欽此祇領之餘敬仰

聖慈軫念藩部一視同仁至意竊查喀喇沙爾一城前
被安夷陟逆掘開都河水淹沒已成巨浸迨經官軍收
復廬舍蕩然無存比派員前往設局辦理善後撫輯流
亡疏消積水修葺城堡并派各營分駐其間以資照護
漸有成效可觀前奉

諭旨吐爾扈特人眾欲歸舊土游牧應即設法安插當
經恭錄咨會金順俟該福普等起程派員送至喀喇沙
爾并飭沿途防營派隊護送設局支給食糧到喀後收

集該部人衆飭由善後局及防營妥爲照料令其照舊在珠爾都斯地方游牧其貧苦不能自存者酌發賑糧俾免失所嗣據喀喇沙爾善後局委員補用知縣黃丙焜管帶防營補用知縣黃長周等稟報從前寄往伊犁之吐爾扈特人衆於九月間接踵歸來當派隊伍妥爲照護查點人數共大小男婦七千八百餘名口均就開都河兩岸安插游牧惟其中能自食者僅三千餘名口餘均待哺嗷嗷黃丙焜等察看情形宣示

皇仁按日發給賑糧復業安居照常靜謐臣維吐爾

新疆圖志

奏議志七

一一五

特人衆自逆回肆亂分兩股奔逃一逃伊犁一逃西湖十餘年來轉徙流離困苦已極仰仗

朝廷威福邊圉肅清得歸舊土復領獲賑糧藉資存活感荷

皇仁再造有口同聲其吐爾扈特福晉恩克巴圖尙寄寓西湖稱俟喀喇沙爾安插竣事卽率同餘衆一併歸來所有安插吐爾扈特人衆情形謹附片陳明伏乞

聖鑒訓示

光緒四年十一月初六日

左宗棠奏安集延逆目糾眾謀逆勦捕賊事摺

竊臣准通政使司通政司二等男臣劉錦棠咨稱本年十月初間據喀什噶爾西南境各纏頭伯克及各布魯特頭目先後報稱上年竄遁俄境之安集延目逆阿里達什由俄官處告假潛出帶同默爾開里木和哲擁立迭位什罕為條勒率安集延胖色提五名玉子巴什及賊黨一百八十餘名竄至奈曼地方勾通該部布魯特頭目阿不都勒哈瑪及其子買賣提斯拉木等種人三百餘名謀襲喀什噶爾城池等語十月十三日探報賊

新疆圖志

奏議志七

二六

眾擾至伊勒庫楚卡倫外曠黨入塔什密里克莊分途糾集各布魯特十五日探報賊眾擾至玉都巴什卡倫並分股入烏伯爾之瑪雜爾噶經散食瑪雜爾者回子祖墓即回眾所稱拱拜者出其煽惑布魯特種人均假所立條勒名號為詞謂漢人非其族類現聞喀什噶爾官軍內調正可乘虛襲取條勒所到之處可免上糧納稅蓋襲用安集延怕夏阿古柏先年闌入回疆時故智也劉錦棠聞報即派知府袁焜齡總理喀什噶爾漢城防務派參將劉必勝率隊移紮喀什噶爾回城北門外

以備不虞十五夜一鼓劉錦棠率提督譚慎典方友升
總兵夏辛酉各帶馬隊二百騎提督楊金龍張宗本湯
詠山各帶馬隊百騎飭喀什噶爾伊什罕伯克五品藍
翎瑪木特爲鄉導向烏怕爾進發派遣道員羅長祐率提
督段伯溪步隊三百總兵侯名貴礮隊三百巴革外委
何俊防營步隊三百提督彭明達曾楚南親兵二百帶
同布魯特總管五品藍翎以尙胡里向烏怕爾繼進又
派提督張俊率步隊兩營取道英吉沙爾之鐵勒克卡
倫赴塔什密里克扼紮防賊分竄布置甫畢令赴烏怕

新疆圖志

奏議志卷十七

二一七

爾馬步各隊銜枚急進定以十六日黎明齊隊是夜行
一百五十里抵烏怕爾回莊瑪雜爾賊衆見官軍突至
卽返走玉都巴什與大股合勢謀抗官軍劉錦棠令馬
步隊伍梭查各回莊伏賊躡蹤急進馳三十餘里至玉
都巴什瞭見迤南戈壁賊騎團集約八百餘人立飭夏
辛酉張宗本率馬隊三百先進譚慎典方友升率馬隊
四百繼之羅長祐侯名貴何俊彭明達曾楚南率步隊
一千又繼之自率楊金龍湯詠山馬隊二百左右策應
夏辛酉張宗本麾隊直前賊排隊迎拒洋鎗義子鎗子

如雨汪夏辛酉張宗本率刀矛隊怒馬陷陣斬執毛旂
賊曰奪其旂官軍謹譟乘之賊衆遂潰向南面山谷竄
走夏辛酉張宗本督隊緊追陣斬二百餘名生擒三十
餘名譚慎典方友升麾所部急進馳百餘里賊分竄山
谷不見蹤跡是處爲布魯特遊牧地亂山叢雜難於覓
徑未便窮追劉錦棠傳令停隊飭以尙胡里率所部布
魯特馬隊百騎入山傳諭布魯特各頭目引路追勦違
者斬劉錦棠當聞警之初預檄英吉沙爾葉爾羌各卡
倫外布魯特頭目令各率衆赴奈曼會剿二十九日以

新疆圖志

奏議志七

二八

尙胡里至奈曼回日庫彌什已率部衆四百餘人先伏
山谷間適阿里達什經官軍擊敗率其死黨由此竄過
庫彌什令其部衆四百餘人分起截擊殲斃殆盡中有
裝束稍異者詢之帶傷賊黨知爲阿里達什並於身旁
搜獲玉印一顆遂割取首級回以尙胡里詣營報功劉
錦棠驗視無異重加犒賚歡呼膜拜而去訊據賊供此
起回目惟阿布都拉哈瑪父子敗後已分路翻山竄逸
劉錦棠派隊窮搜無獲收隊凱旋其被阿里達什煽惑
從逆之塔什密里克烏帕爾兩莊回民據擒賊供稱及

良民告發手持鎗械者約二百人已經官兵擒斬無遺
此外愚回於阿里達什入境時或前往迎接或隨同唸
經或餽送糧草牛羊人數無從確指劉錦棠以首惡既
誅餘可勿問惟提塔什密里克伯克一名玉子巴什六
名阿渾毛拉五名散人三十一名訊俱糾人從亂罪無
可逭均駢誅梟示以昭炯戒此次劉錦棠錦部馬步各
隊速赴戎機剿辦奮迅布魯特種人效順踴躍爭先陣
斬漏網迹日獻之軍前俾免蔓延貽患均屬異常出力
可否彙入前次截剿陝回案内一併保獎出自

新疆圖志

奏議志七

一一九

天恩其打仗陣亡之補用參將回疆肅清案内擬保總
兵銜副將丁廷學千總擬保守備李富貴軍功擬保把
總羅中英梁勝德懇

恩飭部照擬保官階從優議卹此外傷亡勇丁容俟查
明另案彙報臣維阿里達什本安集延酋伯夏阿古栢
親信黨羽阿古栢服毒自盡後逆子伯克胡里赴阿克
蘇與海古拉戰赴和闐與呢牙斯戰皆留阿里達什守
喀什噶爾回城爲援應其明徵也迨換防巴革都司何
步雲等反正奪據漢城阿里達什逐日引衆攻撲又噉

白彥虎帶領陝回助攻經臣於上年十一月十八日
奏報迨官軍克復喀什噶爾阿里達什隨同伯克胡里
竄匿俄境之窩什地方此次由俄官處告假潛出煽惑
回民圖襲喀什噶爾幸劉錦棠於賊謀甫露之時聞警
星馳剿除迅速俾邊圉無警布魯特相庇以安不至蔓
延爲患惟阿里達什爲中國漏網要逆既遁匿俄境任
其告假潛出糾衆寇邊揆諸友邦睦誼應否如斯現在
中國叛逆遁匿俄國者尙多似此紛紛竄擾防不勝防
守邊將士將無解甲晏眠之日積之久而心不甘臣實

新疆圖志

奏議志卷七

二十一

有難於禁約者應請

旨飭總理衙門照會駐京俄使知照備案可否請

旨下欽差全權大臣吏部侍郎崇厚一併入議之處並
候聖裁謹據實馳陳伏祈

聖鑒訓示施行

光緒五年二月初二日

左宗棠奏布魯特安集延入寇進剿大捷摺

竊上年安集延賊首阿里達什勾通布魯特逆回阿布都勒哈瑪及其子買賣提斯拉木竄擾邊境經官軍擊敗阿里達什伏誅阿布都勒哈瑪父子翻山竄逸各情形經臣於上年十二月二十二日馳報嗣准通政使司通政使二等男臣劉錦棠緘牘並稱阿布都勒哈瑪父子敗竄俄屬阿來地方議投俄羅斯俄官令其暫居邊境阿都布勒哈瑪遂勾結寄居俄境之安集延酋愛克木汗條勒阿希木汗條勒艾買提和卓再爲內犯之計

新疆圖志

奏議志七

三一

條勒和卓者回部稱其教祖後裔之稱如中國之稱聖裔也愛克木汗阿希木汗二人本同胞兄弟即從前首逆張格爾胞弟玉素普之孫阿布都勒哈瑪之勾結愛克木汗者以其爲安集延酋長應與阿古柏報復爲詞其勾結阿希木汗艾買提者以其爲條勒和卓是令布魯特各部歸心也向三逆誑稱南路沿邊一帶有衆數萬許爲之助待汗與和卓到即起事奪回各城愛克木汗等信之率其屬胖色提二十餘人玉孜巴什百餘人所部安集延回衆八百有奇於上年十二月十三日徑

抵烏魯克哈提地方俄守外卡纏回頭人布魯特頭人及回兵共二十八名被其虜去又脅誘正西西南一帶布魯特各部其不從者殺之至臘底聚衆已一千七八百人由烏魯克哈提而東三百四十里爲卡浪圭內卡再東六十里曰明約洛即明要路距喀什噶爾城百里劉錦棠連接邊報賊氛漸近矣明約洛本喀什噶爾要隘劉錦棠原派總兵田九福步隊一營扼守賊不得過上臘二十八日遂繞向東南竄至畢勒套格依地方又以水草不足本年正月初一日復折而南趨至博斯塘

新疆圖志

奏議志七

二一

特勒克地方即希布察克布魯特比所居也其左大山綿亘其右山巒起伏中爲廣谷水草甚便出谷口東南行六十里爲烏魯阿提外卡有路可通色勒庫爾一帶再東二百里爲塔什密里克之伊勒庫楚內卡出谷口正東行百六十里爲烏帕爾之烏帕拉特內卡稍南爲烏帕爾之玉都只什內卡地皆戈壁賊由畢勒套格依北來皆必經戈壁准博斯塘特勒克後面岡原錯雜草木叢茂由此西北行二百里爲阿依阿提外卡再西二百里爲卡拉阿爾提又一百八十里爲黑子里拉提達

坂逾此即入俄屬阿來地界賊之踞博斯塘特勒克者以其爲布魯特比駐紮之處意在盡脅希布克察各野回部衆以厚其勢而協以謀我也劉錦棠詳考地圖稽諏各布魯特部衆而得其詳意以官軍前去必度戈壁戈壁平衍一望無涯賊得覘我虛實動靜預爲準備似此示形以致寇非計之得也須伏兵山谷待賊來擊之遂定四面圍攻之計五年正月初三日派提督方友升率所部二百騎進烏帕爾提督譚慎典率所部二百騎進玉都巴什駐營兩營相距三十里飭令分段偵明賊

新疆圖志

奏議志卷七

三二一

蹤隨時飛報又陰蹤卡內布魯特人投入賊中佯言官軍無多誘其深入初七日方友升報賊衆大至約二三千四百人游騎已擾至烏帕爾特近邊劉錦棠遂留知府袁堯齡督同總兵侯名貴率礮隊一旗親兵一哨守漢城總兵杜錫斌率步隊一營守回城先派提督張俊督同提督胡登花石蘊玉率步隊千名由英吉沙爾取道圖木舒克以向塔什密里克限初十日午正到烏魯阿提防賊旁竄又派提督董福祥督同總兵田九福率步隊千名提督張宗本總兵夏辛酉率三百騎由喀什

噶爾回城取道卡浪圭拔至無胡素魯克該處西距烏魯克恰提白二十里東南距畢勒套格依二百里以圖截賊來路並飭官軍到時或賊尚未折轉賊急近畢勒套格依駐營扼賊回竄皆令捲旗息鼓以行劉錦棠自率道員羅長祐營勇並喀城防勇步隊一千五百名親兵步隊一百六十名馬隊二百騎於初九日黎明由喀什噶爾漢城啟行是夜接方友升馳報本日有騎賊三十餘直搗烏怕拉特卡當經擊退賊向博斯塘特勒克竄走並訊據纏回擒獲探賊供稱賊中傳令是夜由博

新疆圖志

奏議卷之七

三四

斯塘特勒克來烏怕爾搶官軍營盤劉錦棠以賊由南路來地勢平坦一經官軍剿敗退竄歸巢地散路平官軍雖躡賊窮追未能多殺不如先取其巢待賊返擊之遂留參將劉必勝提督段柄溪張復良李雲照已革外委何俊率步隊七百五十名紮烏怕爾莊外助同督剿派羅長祐率提督譚慎典方友升楊金龍馬隊五百騎小馬隊四十騎及提督張春發湯彥和張仕林彭明達曾楚南總兵彭禮堂把總張鴻疇步隊七百五十名是夜由北面小路銜枚疾走向博斯塘特勒克進進約次

日天明取齊逕擣其巢部署定羅長祐即率隊前進黎明行進博斯塘特勒克谷口守巢之賊方散布谷中熟睡未醒其驚覺者倉猝間覓軍械不及我軍馬步馳至鎗礮之後繼以刀矛斃賊五百餘名訊據擒賊供稱大股賊已於初更向烏帕爾去矣羅長祐令馬步各隊暫憩谷內飲馬作炊一面派騎四出偵探午間遙見戈壁東面塵土大起偵者回報賊由烏帕爾折回羅長祐令各隊偃旗卧鼓以待方賊之由博斯塘特勒克進剿烏帕爾官營也行至烏帕爾西南十里地方天尚未明其

新疆圖志

奏議志七

三五

地在戈壁內久爲山水衝刷遂成平沙可容多騎賊停隊於此天明賊先率百餘騎逕撲烏帕爾官營劉錦棠聞報即令劉必勝何俊率隊先往擊之自率段柏步隊及馬隊繼進爲其策應又令張復良李雲照各率隊伍多張旗幟作爲兩路一由烏帕爾迤左樹林抄出一由烏帕爾迤右山溝抄出均約於大股屯集處會隊劉必勝何俊之隊首與賊遇分左右進擊之賊騎百餘敗走劉必勝何俊方躡蹤追剿忽西南溝內大股騎賊紛紛結團衝出劉必勝何俊勒馬整隊以待騎賊分圍更番

來撲屹不爲動賊改用圓陣四面環攻洋礮又鎗子如
兩注劉必勝何俊督劈山礮抬鎗洋鎗各隊層疊施放
鏖戰正急何俊被子傷腦適策應各營齊至號鼓齊鳴
聲震山谷小馬隊回馬隊先進段栢溪步隊繼之張復
良步隊已由右面抄至李雲照步隊亦由左面抄至賊
覩官軍馬步相依聲勢聯絡且層見側出不知多步未
敢戀戰劉錦棠揮隊壓追三十餘里擒斬悍賊百數十
名見賊仍向博斯塘特勒克返竄知其已墮計中從容
收隊還至蘇巴什就水草紮營遣騎馳偵前途戰伏敗

新疆圖志

奏議志七

三六

賊回竄博斯塘特勒克初十日午初即近谷口羅長祐
令譚慎典方友升楊金龍等列馬隊於谷外令湯彥和
張春發等率步隊仍伏谷中自登左面山坡相機調度
賊瞥見官軍阻其前亦整隊拚死繼進每團約四五十
騎前後兩股共約四十餘團作連株勢與官軍接鎗礮
對施半時之久互有傷亡勝負未決羅長祐令各馬隊
以長矛衝陣譚慎典率數十騎怒馬挺矛直入賊陣渴
賊即刺斬賊首買賣提斯拉木於陣前賊陣大亂楊金
龍率隊由右路進方友升率隊由左路進各弁勇無不

以一當十殺賊以三百計賊旣不復成陣分爲左右兩
支右股多約千騎急圖奔歸巢穴徑向谷右衝入不料
谷中又已設伏也湯彥和張春發等布隊見賊至突起
鎗矛並進斬馘遂多逸賊棄馬翻山羅長祐麾各營馬
步緊追霎時擒斬盡淨斬賊首改買提和卓阿希木汗
條勒於陣其左一支約五百騎敗後繞由谷外傍嶺腳
西竄圖出阿依阿提外卡譚慎典方友升楊金龍等率
馬隊躡追賊且戰且走譚慎典以一夜之力馳二百里
直追至阿依阿提外卡沿途殺騎賊三百餘並奪其馬

新疆志圖

奏議志七

二二七

羅長祐於是夜四鼓亦拔隊前進十一日午正抵阿依
阿提令布魯特騎卒馳探令譚慎典等率馬步繼之囑
以追至俄界即止自駐阿依阿提以待十二日申時譚
慎典等馳抵卡拉阿爾提據布魯特騎卒回報賊首愛
克木汗條勒阿布都勒哈瑪其賸百餘騎竄過黑子里
達坂已入阿來俄境矣譚慎典始收隊回此外敗賊之
竄至畢勒套格依及烏魯阿提者經董福祥張俊張宗
本夏辛酉馬步各營分投搜斬淨盡馬步隊伍均於十
五十六兩日先後撤回原防綜計是役除陣斬賊首阿

希木汗條勒咬買提買賣提拉木三名外並擒斬賊曰
胖色提十有七曰買木時甘吉曰塔什巴易曰塔什伯
克曰開里木曰土魯普曰太呢胡呢曰卜根胡里曰塔
什買提曰買賣提胡里曰亦司馬儀曰遜子買賣提曰
呼土魯克曰沙底克曰沙悟的曰哈生木曰滿素爾曰
其詳比皆阿古栢舊人也玉孜巴什六十有奇其名難
以盡悉綜計是役陣斬安集延賊七百有奇布魯特賊
千四百有奇奪獲鎗礮軍械馬匹駝隻無數其漏網之
愛克木汗條勒阿布都拉哈瑪現竄俄境已飭沿邊各

新疆圖志

奏議卷七

三八

布魯特總管嚴密偵察其竄入俄境後俄官如何接待
應俟劉錦棠偵探確實咨會到臣再行人告竊維南疆
邊境與安集延布魯特諸回部壤地毘連犬牙交錯自
戡定以來兩部常爲邊患亦由形勢迫切窺伺難防也
彼中所號爲汗爲比者君長之稱所號爲條勒者教祖
之裔皆部衆素所崇奉者也此次入寇由其汗與條勒
號召而來故起事未幾糾集已衆幸劉錦棠調度敏速
迅赴戎機於地勢賊蹤瞭如指掌指麾布署悉合機宜
所部將領士卒躍踴爭先復能整齊行列以靜制動用

克乘其初起速就蕩平不致重煩兵力所履各戰地皆
從前出塞之師未嘗經歷者此邊方諸部應亦稍識
天威計所殺之賊二千數百名而官軍陣亡者已四十
餘員名受傷者已九十餘員名蓋亦血戰矣所有此次
出力各員弁勇丁擬彙入前次截剿陝回及剿辦安集
延逆回兩案一併保獎惟按其功次擬保多有逾限制
之外者應籲懇

天恩俯准分別列保以示優異其力戰陣亡之提督銜
總兵李青雲總兵陳大根總兵銜副將沈煦階副將銜

新疆志圖

奏議志七

二九

參將李春廷叅將周桂蘭都司陳松廷孫祥吉守備王
承朝守備銜千總龍碧雲千總張保林周喜祥王銓衡
王益生把總鄒鳳玉朱有福沈福隆羅文燦陳仁十八
員弁懇

恩飭部從優議卹以慰忠魂所有官軍剿辦安集延布
魯特寇邊之賊出卡窮追陣斬逆賊渠目克獲大勝疆
圍又安情形謹據實馳

奏伏乞

聖鑒訓示施行

光緒五年二月初二日

